

საქართველოს პარლამენტის ეროვნული ბიბლიოთეკა

სსიპ - ბათუმის ხელოვნების სასწავლო უნივერსიტეტი

ურთიერთთანამშრომლობის მემორანდუმი

ქ. ბათუმი

14 მაისი, 2013 წელი

პრეამბულა

უმაღლესი სახელოვნებო განათლების სფეროში მიმდინარე რეფორმების ძირითადი პრინციპების, სწავლებისა და შემოქმედების ინტეგრირების, ერთობლივი პროექტების განხორციელების მიზნით სსიპ - ბათუმის ხელოვნების სასწავლო უნივერსიტეტი და საქართველოს პარლამენტის ეროვნული ბიბლიოთეკა თანხმდებიან თანამშრომლობაზე.

ურთიერთთანამშრომლობა ხელს შეუწყობს:

- აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- საბიბლიოთეკო მიმართულების სპეციალისტთა მიერ ტრენინგებისა და სხვა სასწავლო-შემოქმედებითი მუშაობის ჩატარებას;
- ბიბლიოთეკარის საგანმანათლებლო პროგრამის მომზადებაში თანამშრომლობასა და კონსულტაციების გაწევას;
- სტუდენტთა პროფესიული პრაქტიკის ხელშეწყობას;
- ერთობლივი შემოქმედებითი და სამეცნიერო პროექტების შემუშავებასა და განხორციელებას.

მუხლი 1

- 1.1. მხარეები აწარმოებენ შეთანხმებულ პოლიტიკას ერთობლივი პროექტების მომზადების, განხორციელებისა და აუცილებელი რესურსების მომზადების მიზნით.
- 1.2. თითოეული მხარის მატერიალურ-ტექნიკურ რესურსს გამოიყენებენ უნივერსიტეტის პროფესორები, პედაგოგები, სასწავლო-შემოქმედებით პროცესში ჩართული სტუდენტები, ბიბლიოთეკის თანამშრომლები და სპეციალისტები.
- 1.3. მხარეები გაუწევენ ერთმანეთს კონსულტაციებს და განახორციელებენ ერთობლივ სასწავლო-შემოქმედებით და სამეცნიერო პროექტებს.
- 1.4. მხარეები ურთიერთშეთანხმებით მონაწილეობას მიიღებენ ბიბლიოთეკარის საგანმანათლებლო პროგრამის სტანდარტის პროექტისა და საგანმანათლებლო პროგრამის შემუშავების პროცესში (ინფორმაციის გაცვლა, მეთოდური დახმარება და სხვა.) აკადემიური პროგრამების პრაქტიკასთან დაახლოებისა და კომპეტენციების ჩამოყალიბების მიზნით.
- 1.5. უზრუნვეყოფენ პროფესორ-მასწავლებელთა და სპეციალისტთა გაცვლას პროფესიული პრაქტიკებისა და შემოქმედებითი პროექტების ფარგლებში.
- 1.6. საქართველოს პარლამენტის ეროვნული ბიბლიოთეკა:
 - საკუთარი კომპენეტენციის ფარგლებში უზრუნვეყოფს სპეციალისტთა და სტუდენტთა პრაქტიკის გავლას;
 - ბიბლიოთეკის ფონდით სარგებლობის ხელმისაწვდომობას.

მუხლი 2

- 2.1. წინამდებარე შეთანხმებაში თითოეულ მხარეს შეუძლია ცვლილებებისა და დამატებების შეთავაზება ურთიერთშეთანხმების საფუძველზე.
- 2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.
- 2.3. მხარეები აძლევენ ერთმანეთს გარანტიას, რომ ისინი უპირობოდ, სრულად და კეთილსინდისიერად შეასრულებენ წინამდებარე ხელშეკრულებით გათვალისწინებულ ყველა პირობას.

მუხლი 3

- 3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციების და მოლაპარაკების გზით.
- 3.2. ეს მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.
- 3.3. ურთიერთთანამშრომლობის მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირი გადაეცემა მხარეებს.

საქართველოს პარლამენტის ეროვნული
ბიბლიოთეკის დირექტორი

სსიპ - ბათუმის ხელოვნების სასწავლო
უნივერსიტეტის რექტორი, პროფესორი

